

季漢官爵考

粵稽漢賈誼有五曹官制王隆有漢官解詁蔡質有  
典職儀式應劭有官名秩簿其述官制詳矣馬班有  
諸侯王功臣王子外戚恩澤侯表宋熊方有續漢書  
表其載封爵亦詳矣自是而降惟季漢獨闕焉耕厓  
根據國志旁引他書仿通考之例作季漢官職封爵  
二考信乎繼豐城廣居子之後可以補史顏其齋者  
也耕厓博雅嗜書多所撰述茲特其一斑耳采輯富  
而考核精已足令人傾倒由是而及諸史詎可量乎  
他日續有攷正當更序之松翁叔氏春拜書

季漢官爵考序

昔馬班始作王侯公卿諸表司馬紹統復為續志兩  
漢職官郁郁乎其鉅觀也昭烈以帝胄季興龍虎景  
從三顧草廬蔚為王佐益州既定特立軍師將軍以  
處諸葛亮任為股肱於時謀主有法正爪牙有關張  
馬超賓友有許靖龐羲糜竺簡雍孫乾伊籍其董和  
黃權等並處顯位盡厥器能所謂雄姿傑出有王霸  
之畧知人待士有高祖之風與惡直醜正者不同年  
語矣歲星追昴順天即阼與儒臣斟酌祖制置百官  
約眾職建興初丞相以顧命元老總攝中外官府一

體侍中侍郎郭攸之費禕董允等良寔忠純領官中之事將軍向寵性行淑均曉暢軍事司營中之事尚書長史叅軍悉用貞良人材之盛濟二可觀于時治兵講武戎秩普增雖隨時命氏無忝舊章而蜀科既造損益異同蓋亦有焉昔楊戲於延熙四年著季漢輔臣贊忠武以下五十二人半繫官稱各有頌述承祚作志特具載之蜀書之末誠以儔人扶携迫非魏吳比也自夫騾車見辱盡室東遷三馬食糟相承纂據後之稽官制者惟知採諸魏氏而於季漢反不之及即有好古之士亦罕見稱引斯憾事也至於分直

作輔裂土酬庸尤先後炳在史冊徵文考獻者概從  
踈畧典章湮鬱于茲且千餘年矣爰取蜀志華陽國  
志諸書所載參考傳記闕疑補佚依倣續志衆志通  
考之成例作季漢官職封爵二考凡建設始末秩祿  
冠服已詳表志及應有之員無因考見者概不復紀  
遇有異同間為詮註聊以存一代之遺聞踵二京之  
令緒焉

季漢官爵考卷一

海寧周廣業耕厓著

官職考一

丞相上公一人高帝承秦制置一丞相更名相國惠

帝置左右丞相哀帝改為大司徒東漢不置至愍

帝建安十三年曹操始自為丞相

袁宏後漢紀是年正月司徒趙

溫請置丞相

二十一年操為魏王仍為丞相別以鍾繇

為相國文帝嗣王以華歆為相國及受禪改相國

為司徒而丞相不置至明帝嘉平元年始以太傅

司馬宣王為丞相固辭不受此後遂絕高貴卿公

正始三年又置相國大將軍司馬文王為之昭烈

即位章武紀元以諸葛亮為丞相建興元年開府

軍國事無大小皆聽裁決亮因闕杜佑通典漢律丞相大司馬大

將軍月奉錢六萬續志大將軍三公月奉三百五

十斛案北堂書鈔載亮與李嚴書云吾受賜祿八

千斛今蓄財無餘妻無副服武侯集答李平書云

位極人臣祿賜萬億是較豐于西漢也又廣宏明

集荀濟傳云諸葛受官屬三都賞車無尺絹

長史一人開府置眾史之長職無不監初用五校

領之王連以屯騎校尉向朗以步兵校尉張裔以

射聲校尉府主他出則留統軍事因名留府長史

留府之名始此魏杜有重事選先諮斷而後行或

襲為太祖留府長史

親詣營諮事裔卒以參軍蔣琬遷長史建興八年  
更於幕府置長史一人以參軍楊儀行之凡兼攝  
之官秩在已下者為領班在已上者為行唐六典  
官階卑而擬高則曰守階長史新除皆加將軍號  
高而擬卑則曰行與此異  
琬加撫軍  
儀加綏軍

參軍開府置參贊軍務

諸葛亮與群下教云參置者集眾思廣忠益也前參

軍於

幼宰每言輒盡後從事於偉度數有諫止幼宰者董和字也與亮同署左將軍府事偉度則

胡濟也

胡三省通鑑注云時方用兵故丞相府有參軍

無定員張裔廖化楊

儀李邕馬良蔣琬馬忠等皆居是職丞相出征則

居府亦名留府參軍如馬忠副長史蔣琬署留府



事蔣琬與長史張裔統留府事是也亮與李豐教曰君以中郎

參軍居府與公或隨軍如楊儀隨亮漢中是也建興

三年亮南征與長史皆命自朝廷於府主無敬志

儀署府事參軍本於府主無敬晉時孫楚為大司馬石苞

參軍輕慢苞始制施敬參軍如此長史可知矣

東曹掾屬各一人正曰掾開府置通典曰丞相諸

曹史掾屬三十卿屬一續志三公東西曹掾四百

石餘掾比三百石北堂書鈔後漢書注又曰公府

掾東曹主二千石長吏遷除及軍吏漢舊制三公

各舉茂才一人尚書郎蔣琬為丞相東曹掾舉茂  
才遷參軍是也膺此選者最為清重東曹屬楊

顯典選舉隨至漢中卒亮書與張裔曰令史失賴  
公掾屬喪楊顯為朝中損益多矣襄陽記董恢為丞相府屬裴松之辨為杜瓊言古官職不言曹始於漢末云掾曹非是  
以臺除為重公辟則輕

西曹掾屬各一人開府置續志云主府史署用建  
興元年李邵為丞相西曹掾姚伋馬勲俱為丞相  
掾伋隨漢中並進文武之士為尤稱職也由選參軍

倉曹掾續志云主倉穀事出祁山辟姜維為之

主簿續志云錄省眾事謂之黃閣主簿案漢舊儀  
丞相廳事曰黃閣董厥由令史徙主簿宗預胡濟

楊顥等並為之

蜀志注載襄陽記曰楊顥為丞相亮主簿亮嘗自校書顥直入諫曰

為治有職上下不相侵也

門下督開府置以漢昌長馬忠為之

記室續志云主上章表報書記亮駐漢中請霍弋為記室也

令史續志云主閣下威儀事諸曹各有令史典文書賴玄為西曹令史是也董厥為丞相府令史亮稱為良士案漢制縣令以上始赴尚書調選若公府掾曹郡縣屬吏皆辟於其長王國自內史以下亦得自除凡幹佐曹史拔於州縣者然後為五

府所辟五府舉掾曹然後為朝廷所用如何武為  
大司空辟鮑宣為佐曹掾史高領尚書事辟匡衡  
為議曹史此公府所辟也刺史周景辟陳蕃為別  
駕方城令主簿辟仇覽為主簿此郡縣所辟也其  
後皆秩至公卿季漢一循此法故官無曠職而野  
無遺賢也

丞相出征或率軍屯鎮將行詔賜金鈇鉞一具唐六

六韜云武王軍中有大扞斧及廣八寸重八斤名

天鈇即令大鈇魏晉以來上公親征猶假其器

曲蓋一前後羽葆鼓吹各一部通鑑注漢制萬人

封奪宜都太守孟達鼓吹則太守亦有鼓吹也虎賁六十人凡所統將軍

皆受節制

征西大將軍魏延隨亮出欲請兵萬人與亮異道亮制而不許幕府官

屬

長史一人掌分部節度軍戎籌畫糧穀諸事現

司馬一人督前部魏延費禕相繼領之

延熙初李福為前監

軍司唐六典曰凡將帥出征兵滿一萬人已上置

長史司馬倉曹曹兵曹各一人五千人已上減

司馬

參軍一人統五部兼掌營事馬謖誅後王平代之

駐漢中時又請費禕為之出祁山時有留府參軍

馬忠詣營經營戎事

通典漢靈帝時陶謙以北州刺史參司空車騎張溫軍事

晉時軍府乃置為官員羊祜參軍二人  
楊湛參軍六人謂始晉氏此失考也

行中參軍一人創置胡濟

行參軍創置無定員以雜號將軍以下處之宋志

曰除拜則為參軍事府板則為行參軍宋志於季

漢止載此職

通典曰蜀丞相諸葛亮有行參軍又曰行參軍晉河間王顯以太宰輔政

始置唐六典注亦云晉氏加置行參軍以自辟召

故曰行宋齊梁陳皆有謂始晉氏此又失考也

干寶司徒儀曰行參軍之職掌凡使命及督察覆

行之事彈劾逋違獻納聞見以達視聽

見太平時御覽

閭晏襲習杜儀杜勅旗盛勅並為之

見廢李平公文

軍祭酒一人創置

建安三年曹操初置軍師祭酒後避晉諱去師字此則本名軍

祭酒韋昭辨釋名曰凡會同饗讌必尊長先以酒

祭地故曰祭酒漢吳王濞為劉氏祭酒是也宋志以公

府祭酒為胡廣曰凡官名祭酒者皆位之元長也晉官誤

先有射援駐漢中來敏尹默相繼為之亮廢來敏

於知人擢為將軍祭酒表退職令閉門思過愆

凡所統五部軍師各一人東觀漢記曰隗囂既立

使聘平陵方望為軍師軍師之名始見於此軍師

平時但參軍謀不握兵柄軍中多出板授加行以

冠將軍之號皆領兵有部曲建安十三年丞相

所統領此平時軍師也劉琰行中軍又各置監護師領兵萬餘隨諸葛亮但風議而

典督諸員

中軍師一人以望高資深者處之廢李平公文首

將軍劉琰

前軍師一人魏延以丞相司馬遷此廢李平公文

前軍師征西大將軍魏延鄧芝由中監軍遷此

後軍師一人費禕由中護軍丞相司馬為此左

右二軍師未見故不著魏武勅進時有左軍師涼茂右軍師毛玠

監軍一人劉邕為之文獻通考曰齊景公使寵臣

莊賈監穰苴軍此其始也漢武置監軍使者季漢

有監軍及五部監軍次於軍師以雜號將軍故行



宋志曰蓋將出征大將監領之

中監軍一人建興初有姜維後有鄧芝

前監軍一人劉巴

右監軍一人建興十三年姜維後左二監軍未

見或平時不連將軍銜者亦為游散

楊戲為建寧太守以疾還

拜監軍護軍此游散也霍弋轉護軍仍副通鑑注

康降都督遷監軍翊軍將軍此掌兵柄也中監軍即中護軍之任也蜀有前監軍後監軍中

監軍位在軍師之下今考鄧芝由中監軍遷前將

軍則位在軍師下信矣王平由前護軍拜前監軍

則監護班次又殊

中護軍一人費祿由參軍轉此職宋志曰秦有護  
軍都尉漢因之陳平為護軍中尉盡護諸將以都  
尉為中尉武帝以屬大司馬又為都尉李廣為驍  
騎將軍屬護軍將軍蓋護軍護諸將軍東京省班  
固為大將軍中護軍隸將軍幕府非漢朝列職魏  
武為相以韓浩為護軍史良為領軍非漢官也建  
安十二年改護軍為中護軍領軍為中領軍置長  
史司馬魏初因置護軍主武官選隸領軍晉世則  
不隸也魏略云護軍之官總  
統諸將主武官選魏晉江左領護各領  
營兵資重者為領軍護軍將軍資輕者為中領軍

中護軍受命出征則置參軍廣案史記樂毅為燕  
上將軍護趙楚韓魏燕之兵伐齊此護所由名也  
秦二世以李斯舍人為護軍陳涉以邵騫為護軍  
始以護軍為官稱漢武帝時使御史大夫韓安國  
為護軍護四將軍以伐單于此護軍將軍也漢書  
班固為大將軍竇憲中護軍與參議此又加中字  
之始通鑑注三國虎爭始有中護之名誤東觀記云大將軍出征置  
中護軍一人蓋軍罷則俱罷非常職也季漢五部  
皆有護軍惟後護軍未見其人耳其中領軍主五  
校別列于後

前護軍一人許允

見廢李平公文下同

左護軍一人丁咸後劉敏亦為之

右護軍一人劉敏

右皆加行其連將軍銜與否

同監軍

護軍一人陳戒平武都陰平二郡

在建興七年

又姜維

以征南將軍加行

据公文列右護軍後

中典軍一人上官維亮卒胡濟為中典軍統諸軍

遷中監軍

後典軍一人王平前左右典軍未見

督農一人以漢中太守呂乂兼領之供繼軍糧

此即

典農也前漢邊郡置農都尉主屯田殖穀督農肆其任也曹祐有典農校尉典農中郎將平蜀後罷屯田諸典農皆為郡守孫權初置節度官使典掌軍糧以侍中都尉雜郡將軍領之

督前部一人高翔

見公文下同

督後部一人吳班

督左部一人鄧芝

中部督列後右部未見

前軍都督一人亮出武功時張翼為之按東漢

大將軍營五部部校尉一人部下有曲曲長一人

又有屯將忠武上言後帝云臣到漢中朞年喪趙

雲陽群馬玉閭芝丁立白壽劉邵鄧銅等及曲長

屯將七十餘人是也此云督者蓋即校尉之職初

昭烈平定荆益有督軍向朗督軍從事費詩護軍  
吳懿主騎趙雲征吳之役又有左右領軍馮習吳  
班吳志稱有五屯五十餘營將軍馮習為大督張  
南為前部輔臣趙融廖淳傅彤等各為別督皆因  
時創置軍罷輒省或遂即真右止据廢李平公文  
及蜀志各傳錄之

按漢初置丞相掌丞天子更置御史大夫以副之  
而太尉專掌武事故丞相于兵刑錢穀皆在所不  
問前漢高后時呂祿為將軍呂產為相國始擅權  
專兵然其所統為南北軍猶禁旅也建安末曹瞞

名為丞相擅握重兵祇借為篡竊之階不可為訓

以故命將出師未有前典忠武入總萬機出典六

軍蓋兼有周官冢宰司馬二職而才又足以副之

自建興三年南征繼駐漢中出祁山屯渭濱治戎

練卒靡有寧歲諸所設施具在集中而張輔稱其

設官分職班叙眾才文以經內武以折衝即公府

官職可見其概矣至于陣圖用兵倚伏之添甲乙

校標幟之制晉陳勰嘗緒練之其箭袖鎧鐵帽亦

有異人者世傳武侯儒服臨戎然宋書載太祖賜

元譔以諸葛亮箭袖鎧又殷孝祖為兖州朝廷御  
仗有諸葛箭袖鎧鐵帽二十五弩射之不能入上

以賜孝祖則知君子介冑有不可化之色非虛語也茲特叙其將校以存掌故若作牧司州官屬另詳於後

按季漢兵制通典通攷所載甚略但云昭烈初置五軍其將略如漢而兵有突將無前寶更青羌散騎席騎之別諸葛亮卒蜀兵耗矣此蓋据忠武上言後帝文也考昭烈初入益州所率僅數萬人後雖領收兵尚單弱故與曹操爭漢中時急書發兵亮從事楊洪謂亮曰方今之事男子當戰女子當運則知是時蜀兵尚少迨秭歸蹉跌強兵勁卒殺傷殆盡成都單虛章武末南夷背叛丞相未即加



兵生聚教訓三年一戰而克收其精銳又取南中

十七郡官賦以給軍資

武侯表言祁山縣出租五百有民萬戶李恢傳南夷

復叛恢往撲討徙其豪帥于成都賦出吏漢耕牛戰馬金銀齒草充繼軍資唐張嘉貞曰亮平南中

即用渠率領之不置漢官不啻戍兵言置官留兵有三不易置官必夷漢雜居猜嫌將起留兵轉糧

為患滋重後忽反叛勞費必甚故粗設綱紀自然久定簡書史恢傳南夷復叛恢往撲討徙其豪帥

于成都賦出吏漢耕牛戰馬金銀齒草充繼軍資

至出屯漢中之日步

騎號二十萬

建興五年三月詔曰諸葛亮丞相宏毅忠壯忘身憂國授以旄鉞統步騎

二十萬眾董督元戎云云丞相其露布天下

涼州諸國王各遣將詣受

節度其所調發如巴州太守呂乂所募奉義將軍

姜維所教中虎步兵皆稱強雄使天假之年中原

不足平也然而公琰文偉因循成法邊境無虞方  
鄧艾入蜀時除姜維所帥五將四列營守險外羅  
憲以重兵據白帝霍弋以強卒鎮夜郎柳隱戍漢  
中堅壁不動常勗守郫城縣嬰城拒守而李庠所  
送士民簿尚領戶二十八萬男女口九十四萬帶  
甲將士十萬二千吏四萬人孰謂蜀兵已耗哉其  
曰賓叟者漢人通謂蜀人為叟孔安國尚書牧誓  
傳云羌在西蜀叟  
疏云蜀夷之別名後漢書益州  
牧劉焉遣叟兵五千人助馬騰以巴賓之兵故名  
賓叟又涪陵郡漢時赤甲軍常取其民丞相亮亦  
發其勁卒三千為連弩士移家漢中謂之元戎孔

魏氏春秋曰諸葛亮損益連弩謂之元戎以鐵為矢矢長八寸一弩十矢俱發玉海引張雲咸通解  
園錄云西蜀弩名尤多者莫踰連弩十矢謂之  
羣鴉一矢謂之飛槍通呼為推山弩即孔明所謂  
元戎也又六典曰諸葛連弩步兵所用太平御覽  
引袁希之漢表傳曰丞相亮出軍祁連山始以木  
牛運糧魏司馬宣王張郃救祁連山夏六月亮糧  
盡軍還至于青封木門郃追之亮駐車削大樹皮  
題曰張郃死此樹下豫令夾道以數千強弩備之  
欲令自見千弩俱發射郃而死至延熙  
十三年鄧芝討平徐巨移其豪傑徐閭謝范五千  
家於蜀為獵射官分羸配弱名助郡軍亦涪陵民  
也又建興三年丞相平越雋叟高定元置四部斯  
兒史記司馬相如傳斯楠之君索隱  
索應引華陽國志作四部斯叟及七部營軍  
在祁而張寔所收牂牁興古徕種降卒二千人悉

傅詣漢中亦實叟也青羌者平孟獲時移南中勁卒青羌萬餘家于蜀為五部所當無前號為飛軍分其羸弱配大姓焦雍姜爨孟量毛李為部曲置五部都尉號五子因為夷漢部曲者是也其越雋叟至延熙二年又置赤甲北軍二牙門及斯兒督軍中堅衛夷徼此特就交益二州之兵言之耳

行丞相事建興六年亮敗于街亭請自貶三等以右將軍行丞相事所總統如故丞相有行名前漢唯

韓安國以御史大夫其以將軍則自此始

孟漢丞相太尉御

史大夫為三公罷官輟上還印綬亮自貶後雖旋復祇用詔策故亮時後帝詔贈丞相

武鄉侯印綬

也延熙元年策立皇后太子使左將軍向朗行丞相事蓋用其例諸言行者非由階資除拜遷轉不注官簿也

丞相錄尚書事宋百官志曰漢東京每帝即位輒置太傅錄尚書事魏輒省錄尚書職無不總王肅注尚書納於大麓曰堯納舜于尊顯之官大錄萬機之政也桓譚新論亦曰麓者領天下事如今之尚書官也羅泌大麓說嘗辨其非案通典曰錄尚書事自東漢趙惠牟融始宋志謂成帝初王鳳錄尚書事章懷注肅宗紀云武帝初以張子儒領尚書事錄尚書事由此始誤也西京無錄尚書止有領尚書平尚書昭烈踐阼以丞相諸葛亮錄事鳳止領尚書事耳

尚書事其後大將軍並仍之若非大將軍則為平  
尚書事如馬忠諸葛瞻董厥是也

司徒公一人掌民事昭烈即位以處太傅許靖華陽國志

作錄尚書許靖為右司徒案靖本傳先為右將軍  
長史繼為漢中王太傅及即尊號策為司徒則此

太傅非四輔之職洪适隸續載黃龍甘露之碑云是建安

二十五年立字多殘闕其諸臣列名司徒上闕一

人疑是司徒丞相司徒下有臣字而闕其姓名意

即靖也舊制朝臣見三公皆拜靖年位既高諸葛

丞相皆為之拜踰年薨因省唐六典注秦置丞  
相省司徒漢因之

案隸續黃龍甘露之碑有二隸額各  
六字各高五尺餘

大者廣三尺文十行僅數字可辨羣臣列名上下

四橫每橫二十餘人次者廣二尺文十四行唯首

行可辨碑陰存者止上兩橫每橫三十人大碑首

行洪氏小字注云十一行闕第二行首小字夾注

云上闕一人下接司徒臣夾注云姓名闕以次安

漢將軍闕五人侍中臣闕立侍中闕下尚書闕四人

五官中郎將臣姓名闕太中大夫臣姓名闕中散大夫

臣姓名闕博士臣許慈議郎臣姓名闕議郎臣姓名闕信議

郎臣姓名闕光議郎臣姓名闕將軍臣姓名闕鎮東將

軍臣劉琰平西將軍臣劉闕平北將軍臣劉闕

字將軍臣姓名關又將軍臣姓名關第三橫關十八人又

關一將軍臣姓名關又將軍臣姓名關又將軍臣

姓名關又將軍臣姓名關又將軍臣姓名關又將軍臣

軍臣姓名關又將軍臣姓名關又將軍臣姓名關又將軍臣

又關十二人將軍臣姓名關又將軍臣姓名關又將軍臣

軍臣姓名關又將軍臣姓名關又將軍臣姓名關又將軍臣

字將軍臣姓名關仁末一行云時太守南陽李嚴正方

丞宋遠文奇令陰化次碑首行惟建安廿六年洪

注關十字。案以碑陰首央注云上關六人下接

侍中臣注關以下立侍中下尚書下又光祿大



夫臣

姓名闕又

中散大夫臣劉

闕

博士臣許慈議

郎臣

姓名闕

議郎臣

姓名闕

議郎臣孟光議郎臣

姓名闕下

闕一人又

益州前部

闕二字

闕二

費詩益州左部司馬臣

姓名闕

益州右部司馬臣

姓名闕

益州

闕部司馬臣姓名

闕益州部蜀郡從事史臣

姓名闕

益州部

闕二字從事

史闕益州部

闕二字

從事史

闕

義校尉臣

姓名闕

益州

部巴西從事史

闕

信校尉臣李

闕

益州部梓潼從

事史忠節中郎將臣

姓名闕

益州部牂牁從事史臣

姓名闕

益州部永昌從事史

闕二字

校尉臣

姓名闕

益州

部

闕山從闕下闕

闕又

從事史臣

姓名闕六字

闕又

業校尉臣

姓名關又中郎將臣姓名關又中郎將臣姓名關又又姓名關

字中郎將臣姓名關又中郎將臣姓名關又又姓名關中郎

將臣姓名關又中郎將臣姓名關又又姓名關中郎將臣張

關又姓名關又中郎將臣姓名關又又姓名關中郎將臣姓名關又

中郎將臣劉姓名關又中郎將臣姓名關又又姓名關中郎將

臣姓名關又中郎將臣姓名關又又姓名關洪氏論云華陽國

志建安二十四年黃龍見武陽赤水九日乃立廟

作碑蜀志次年曹丕既滅太傅許靖安漢將軍麋

竺等上言武陽龍見君之象也與博士許慈議郎

孟光立禮儀上尊號至次年登壇即位大碑之文

羣臣列名可辨者侍中二人司徒尚書五官中郎將大中大夫中散大夫博士各一人議郎四人安漢鎮東等將軍二十餘人官之下皆稱臣姓名碑側題太守李嚴并丞令二人姓名次碑之文惟首行建安廿六年數字可辨碑陰可辨者侍中議郎從事史中郎將數十人兩碑俱有許慈孟光題名則立石非同時也建安二十五年漢祚已終次年四月蜀主方稱帝改元則辛丑之春蜀人猶奉漢代正朔故有建安二十六年之文兩橫之下崇寧中為王時彥所磨刻

廣案此二碑雖俱殘闕而其

所載官制往往有史所未及者特備錄其文於此  
後仍分注於各官之下至大碑司徒之上所闕一  
人意必是丞相而建安二十五年蜀未置丞相即  
司徒許靖亦尚為太傅據次碑碑陰所列益州部  
又明是昭烈未即位時所立蓋羣下上昭烈為漢  
中王時表於漢帝已言所署置依漢初諸侯王故  
典及聞孝愍遇害之後王府官稱已多假攝故姓  
名之上皆繫以臣也史謂章武元年置丞相司徒  
者蓋據即真之日書之

太尉公一人掌兵事

魚豢曰古者兵獄官皆以尉為  
之通典秦置太尉主五兵漢因

之章武三年追謚昭烈皇后丞相上言請太尉告  
宗廟不詳其人亦不再見此職東漢世祖以當大  
司馬靈帝末始兩置歷代皆迭置季漢蓋以置大  
司馬後省也宋志太尉在司徒上案謝承書鄭宏  
為太尉所舉第五倫為司空班次在  
倫下則漢制太尉在司空下明矣袁山松後書靈  
帝欲以羊續為太尉時拜三公者輪東園禮錢千  
萬續不可故不登公位後書注  
則以太尉司徒司空為三公

大司馬公一人武帝建元元狩間省太尉置楊泉物  
理論曰漢置丞相以綜文德立大司馬以整武事  
為二府是也世祖建武二十七年復改大司馬為  
太尉建安十六年昭烈入益州劉璋推昭烈行大

司馬既定蜀辟置官屬二十四年為漢中王始即

真踐阼後闕延熙二年大將軍蔣琬開府漢中始

進位焉秩比丞相九年薨復闕

琬薨後後帝官屬始自攝國事

長史一人綏和初始置昭烈定蜀以許靖領之上

漢中王稱左將軍領長史許靖時昭烈尚行大司馬故曰領蔣琬長史無考

營司馬定蜀以龐羲為之及蔣琬開府以右監軍

姜維為司馬先是琬住沔陽以王平為前護軍署

府事

前部司馬定蜀以姜費詩為之

後部司馬定蜀以張裕為之

軍謀掾漢中王時有韓冉奏書弔曹叅喪

兵曹掾

東曹掾一人蔣琬開府置楊戲為之

昭烈為大司馬時屬有缺

純

西曹掾

督農一人蔣琬開府置掌屯田楊敏為之通鑑注

曰督農猶魏吳之典農也按魏任峻為典農中郎

大興屯田軍國致饒嚴匡徐邈亦為典農中郎將

謝維新合璧事類典農入大司農類

主簿一人蔣琬開府置李密為之

按季漢開府者惟丞相大司馬大將軍丞相開府  
視事在建興元年及駐漢中立營七年徙南山下  
原上黃琬費禕為大將軍亦特命開府皆得辟置  
官屬今惟丞相府官屬略具大司馬以下史闕不  
可得知其行軍蓋略如丞相惟不當有長史耳

華陽國志曰蜀初闕三司之位

三司始於哀帝司馬司徒司空也

以待天下賢人其卿士皆勲德融茂太常杜瓊學  
通行脩衛尉陳震忠悃篤粹孟光亮直著聞皆良  
幹也大長秋許慈典掌舊文光祿來敏東宮耆宿  
以舉措不慎故羣名不反特進太常鍾承光祿勲



裴儻也其朝臣尚書胡博僕射姚伯侍中陳祗並

贊事業今考司徒大司馬惟許蔣二人先後居之

而司空則終不一置

漢制丞相即司徒御史大夫即司空謂之二府亦曰兩府

所謂官不必備惟其人也續志太傅上公太尉司

徒司空皆公一人將軍比公者四大將軍驃騎將

軍車騎將軍衛將軍餘皆列卿晉志云司徒光祿

大夫位開府位從公者為文官公大司馬大將軍

太尉驃騎車騎衛將軍諸大將軍開府位從公者

為武官公太常光祿勳衛尉太僕廷尉大鴻臚宗

正大司農少府將作大匠太后三卿大長秋皆為

列卿季漢丞相上公故馬謖張裔李鴻何平等皆  
稱忠武侯為公而李嚴且勸之受九錫進爵稱王  
由此也常璩謂許靖為上公東漢制惟太傅為上公故常氏云然互詳  
前而蔣琬牛頭之夢占者言君位當至公魏鍾會  
與姜維書稱為公侯蓋是時大將軍用代丞相則  
禮儀當加隆也

大將軍公一人

通典晉獻公作二軍公將上軍將軍之名起此魏獻子衛文子並居之秦

晉後以為卿號漢武拜衛青大將軍欲尊寵之故置大司馬官號冠之其後霍光王鳳等皆然東漢大將軍自建興十三年進尚書令蔣琬位為大將

為一官

軍開府

齊賊儀大將軍開府依大司馬朱服。案季漢大將軍始於琬冊府元龜將帥部優

稱諸葛亮為處羣僚之右位比丞相北堂書鈔載

大將軍非也晉公卿秩云陳騫為大將軍位次三公本王仲為

大將軍復其後賈禕姜維相繼處之董允以侍中

守尚書令為大將軍副貳蜀人與諸葛蔣費稱曰

四相亦曰四英冊府元龜曰吳蜀政事率以尚書

外諸軍事總統國官屬事皆為宰相之任

司馬一人杜祺為之又費禕出征漢中李福以前

監軍領司馬漢末官也陳陽為大將軍王鳳從事

中郎是也在主簿上所掌典長史同今

考季漢惟樊岐為之然不隸大將軍

參軍一人李忠為姜維參軍

東曹掾一人文立為費禕東曹掾

主簿一人李宓為大將軍主簿姜維屯沓中日有監  
軍王含守樂城護軍蔣斌守漢城兵各五千餘無  
考

行大將軍延熙十九年段谷之敗姜維求自貶損以  
後將軍行大將軍蓋亦循忠武例也

驃騎將軍位從公武帝始用霍去病為之章武元年  
以處馬超後李嚴亦居之屬有叅軍忠督軍平城續  
志曰諸將軍置以征伐者府無員職亦有部曲司  
馬軍侯以領兵今自大將軍以下姑就所見附注

之

右驃騎將軍位從公景耀二年置以處胡濟

萬斯同歷代史

表漢將相大臣年表繫在景耀二年案後帝紀延熙十九年尚稱征西將軍胡濟則景耀是也

車騎將軍位從公文帝始用薄昭為之東漢多用戚

畹章武元年以處張飛建興末吳懿延熙間鄧芝

屬有都督

參軍

馬晉志曰魏制諸公加官者置

都督令史一人

功曹

馬

左車騎將軍位從公景耀二年以處張翼

右車騎將軍位從公景耀二年置以處廖化與張翼

位並在鎮東大將軍宗預右

衛將軍位從公文帝始用宋昌為之延熙十年姜維

以鎮西大將軍遷衛將軍假節出西平受大將軍

費禕裁制

隋志梁武帝釐定一百二十五號班次班多者為貴驃騎車騎衛第二十四班為

重號將軍唐六典秦漢始置後漢及魏晉因之然增其班秩晉文帝置臺又置中衛將軍武帝分左

右二衛各大將軍一人品第四銀章青綬武冠綬朝服佩水蒼玉宋齊因之

鎮南大將軍位從公延熙五年置以處馬忠後張翼

以征西大將軍進是位

通典曰四晉鎮後魏加大誤

鎮北大將軍位從公延熙六年置以處王平時句扶

為左將軍位亞於平後張翼廖化俱為大將軍皆

巴西郡人時人語曰前有王句後有張廖

鎮西大將軍位從公延熙六年置以處姜維

鎮東大將軍位從公景耀元年置以征西大將軍宗

預進是位

征西大將軍位從公建興八年置以處魏延後張翼

以前領軍宗預以後將軍拜是職通典四征加大  
始曰方面其言

始後  
魏誤

輔國大將軍位從公景耀末置以處董厥與衛將軍

諸葛瞻並平尚書事厥入魏與樊建並為相國參  
軍兼散騎常侍使司慰勞而

瞻猶死節賢  
奸利然矣通鑑注魏晉制驃騎以下大將軍皆

從公至錄尚書事則專制朝政矣唐六典註魏甲  
辰令晉官品今

梁官品令輔國將軍並第三品案晉志輔國大將軍位從公通鑑註謂始于漢獻帝以命伏完然未

加大是則加大始季漢矣

宋志以為晉始加大誤也

右大將軍位從公景耀末置以處閭宇

安漢將軍昭烈定益州置以處糜竺不專征伐班在

軍師將軍右後以為加官

李恢王平李邵案通典於季漢

止載此及凌江將軍羅獻

一作憲

考獻為巴東太守

歸魏以禦吳陸抗拜凌江將軍非漢官通考止此

及軍師將軍二職隸續黃龍甘露碑司徒下即次

安漢將軍亦闕姓名意必糜竺也

軍師將軍昭烈定江南置以處諸葛亮署左將軍府



事節制諸軍後以為加官

諸葛瞻。隋志梁武帝  
釐定將軍班次軍師第

十九班

前將軍與下三號並周末官秦漢因之光武省建安

中復置漢官解詁云前後左右將軍宣元以後雖

不出征猶有其官位在諸卿上昭烈為漢中王以

處關羽假節鉞時羽攻曹仁於樊遣費詩往羽聞

與黃忠同列不肯受拜詩言王與君侯同休戚等

戚不宜計官位高下羽感悟即受拜屬有都督

趙

主簿廖後李嚴袁綝鄧芝胡濟等皆為之唯濟假

節

左將軍昭烈為漢中王以處馬超假節後帝以魏降

人郭脩為之脩一作魏氏春秋又有吳懿向朗句扶先

是曹操表拜昭烈為左將軍後入吳號為左公唐

書地理志公安吳縣地漢末左將軍劉備自襄陽鎮此時稱左公乃改名公安定蜀後

或外出以軍師將軍諸葛亮署府事屬有長史許

軍正夏侯纂案軍正之官始戰國策兩漢皆有詳見玉海內載胡建天漢中守軍正丞斬監

軍御史上奏曰謹案軍法曰正亡屬將軍將軍有罪以闕二千石以下行法焉丞於用法疑師古曰

南北軍各有正正又置丞建未得真官兼守丞又

日軍正不屬將軍則軍正之權重矣玉海引夏侯

纂誤作軍司馬龐義王厚之印章圖譜有左將軍以夏侯蘭軍司馬印注曰劉備為左將軍以

龐義為軍司從事中郎西曹掾劉巴又

左將  
軍掾兵曹掾楊主騎趙疑非常例也

右將軍昭烈為漢中王以處張飛假節後有高翔輔  
匡歷代史表又有閭宇案宇見姜維傳及襄陽記  
俱稱右大將軍萬氏誤也

後將軍昭烈為漢中王以處黃忠與關張齊位案忠  
武請自貶三等而以右將軍行丞相事則四號位  
當第三等也案四號諸志皆以左右前後為次考  
廢李平文前將軍袁綝在左將軍吳懿前右將軍  
高翔在後將軍吳班前今依此刻之建興中劉邕  
亦為後將軍後周盧術定制前右左後將軍與四

並<sup>平</sup>命其次序亦異

秉忠將軍昭烈定益州以處孫乾

昭德將軍昭烈定益州置以處簡雍

昭文將軍昭烈置以處伊籍右三職位次安漢皆不

統兵所謂賓友也

鎮北將軍章武元年置以處魏延鎮漢中  
宋志謂魏黃初中置

誤明年征吳又有黃權為之督江北以防魏師程

政篁墩集擬先主伐孫有參軍龐權告廟文作建威誤

鎮東將軍靈帝末曹操表昭烈為之定益州以處劉

琰見黃龍碑建興初有趙雲

征南將軍光武世有岑彭建興元年趙雲為之

征北將軍昭烈定益州置以加申耽

宋志引魚豢作魏武置誤。隋

志經籍志有蜀征北將軍夏侯霸集二卷

征西將軍光武世有馮異昭烈定益州以處黃忠擊

魏將夏侯淵

平西將軍昭烈定益州置以處馬超督臨沮黃龍甘

露碑有平西將軍臣劉平北將軍臣劉並闕其名

宋志謂四平魏世置誤王厚之印章圖譜有平西將軍銅印注引沈約宋書臨川王義慶為平西將

軍不知季漢已有平西矣

平北將軍昭烈置以處馬岱

安南將軍光武初有岑彭建興末以處馬忠後張表  
霍弋亦居之晉志曰四征興於漢代四安起於魏  
初四鎮通於柔遠四平止於喪亂此以四征列四  
鎮之上宋志亦然今考趙雲由征南進鎮東通  
鑑註曰四征有功則自征為鎮是也

護軍將軍前漢文帝時有韓安國本秦護軍都尉晉  
制銀章青綬武冠絳朝服品第四昭烈為漢中王  
以處法正

鎮軍將軍昭烈定益州許靖為之建興六年鎮東將  
軍趙雲以箕谷之敗貶居此延熙末王嗣由安遠

徙鎮軍

唐六典註魏志曰文帝以陳羣為鎮軍大將軍秩二千石

撫軍將軍建興八年以加蔣琬宋志曰鎮撫比四鎮  
鎮遠將軍昭烈定益州置以處賴恭及為漢中王遷  
治成都乃拔牙門將軍魏延為之督漢中所謂一  
軍盡驚者也

輔漢將軍光武時更始輔漢將軍于匡降至昭烈定

益州以加李嚴

史表失後姜維張裔居之又有孟

人

輔國將軍愍帝初置延熙六年以加董允

執慎將軍後帝置光祿大夫來敏言動違屢見削黜

以東宮舊臣特加優待後以為執慎將軍欲令以官重自警戒也

振威將軍光武置建興元年以賞觀為之楊戡輔臣贊揚威才

辭今從陳志

奮威將軍西漢置建興間馬忠為之

揚威將軍華陽志威作武誤建興元年置以處李福宋志謂魏置誤

勃武將軍光武置定益州法正為之後有鄧芝

安遠將軍定益州置以處鄧方

蕩寇將軍昭烈定江南置以處關羽魏滿寵亦為之

討寇將軍建興中置以處王平



征虜將軍光武置

宋志曰世號金紫將軍

定江南張飛為之

討虜將軍東漢末孫權嘗為之定益州以處黃忠

討逆將軍東漢末孫策嘗為之定益州以處吳懿

副軍將軍定益州置以處劉封

翊軍將軍定益州置以處趙雲

程璜瓌撰先主伐孫權告廟文作虎牙將

軍趙雲按雲別傳稱雲膽勇軍中號為虎牙程氏誤也後有霍

弋

輔軍將軍建興間置以處來敏

綏軍將軍建興間置以處楊儀

建信將軍定益州置以處申儀

建義將軍光武時朱祐為建義大將軍建興間以處

閭晏

忠節將軍建興元年置以處楊洪

撫戎將軍建興間置以處張寢

綏武將軍後帝置以處蔣斌

翊武將軍後帝置以處諸葛攀

興業將軍定益州置以處李嚴

奉義將軍建興六年置以處姜維

偏將軍定益州以處張裔黃權

裨將軍定益州以處霍峻費觀

隋志右二班  
八班之一班

牙門將軍定江南置以處趙雲

通典謂魏黃初中置誤

其後董

元毛晃孟幹等居此者甚多周祁名義考曰古者

建大牙旗立於帳前謂之牙門公孫瓚傳拔其牙

門是也

今謂官府為衙門乃牙之誤案兵書牙旗者將軍之精凡始豎牙必以制日後書注

牙門如周禮軍旅會同置旌門也

案黃龍甘露碑列衙將軍可辨

者二十一人安漢之後鎮東之上有將軍臣三字

平西平北而下有兩將軍臣字其上俱闕二字又

有十二將軍臣字上俱闕一字最後有將軍臣孫

闕名將軍臣仁闕姓則昭烈初起將軍已不少不

待建興增置也

牙門將王平王冲趙廣句安李歆等並為之或統屬  
諸州都督袁子曰今軍政之法斬一牙門將者封  
侯 以上諸將軍續志自前後左右外通謂之雜  
號將軍皆主征伐事訖皆罷今除諸大將軍四鎮  
四征四安四平外凡三十九號半出創置班次難  
稽今略依宋志所列詳考官資以為詮序驃騎得  
領州牧車騎得領司隸校尉或領刺史並假節車  
騎以下領刺史及都督諸州皆置官屬如領兵小  
號將軍為大郡邊守亦置佐史

特進二漢以為加官胡廣漢制度曰諸侯功德優盛

朝廷所敬異者賜位特進在三公下

晉志品秩第  
二位次諸公

唐六典註在開  
府縣騎上

建興末向朗以舊功封顯明亭侯

位特進太常鐸承加特進曰位曰加者從本官供  
給特進但為班位而已不別有吏卒車服也

太常卿一人唐六典註曰漢制以列侯忠孝敬慎者  
居之秩中二千石漢官解詁曰太常社稷郊時事  
重職專故在九卿之首昭烈為漢中王擢用荆楚  
宿士以零陵賴恭為太常南陽王柱為光祿勳王  
謀為少府建興間謀代恭為太常景耀末有張峻  
建安二十一年魏置奉常官文帝黃初元年改太

常

按續志太常下有太史令丞蜀書言國不置史記注無官是以行事多遺災異靡書是無太史也但景耀元年又書史官言景星見大赦改年于是論者多疑其自相刺謬唐劉子元以王崇補東觀郗正為秘書郎為置史之証譏陳氏為厚誣諸葛又謂黃氣見秭歸景星見成都非置史何以知之今考太史之官周禮月令所載皆主陰陽星氣不知記注為職春秋時亦然如書趙盾在扞事者亦稱太史蓋古之史皆以諳習古事者為之觀太史

伯趙所稱述可知矣故陰陽記注得兼掌之合璧  
事類引史通通典等書曰司馬談父子相繼為太  
史令遷云文史星歷近乎卜祝宣帝時修撰之職  
以他官領之於是太史之官唯知占候而已又曰  
後漢至隋史職唯魏明帝太和隸中書餘皆隸秘  
書季漢東觀秘書皆屬少府非復古太史之職故  
以不置為闕典也如謂東觀秘書即為太史陳氏  
既身自為之安得公言不置乎又續志太史所屬  
有掌明堂及靈臺二丞靈臺掌候日月星氣則知  
景星黃雲皆靈臺占候之職以屬太史故得稱史

官亦非即太史也但靈臺丞史未之見故并從畧

馬宋志晉志並云劉氏在蜀仍漢四分歷則當有靈臺令也又續志有太子樂

令丞各一人掌伎樂蔡邕謂漢樂四品太子樂典

郊廟上陵殿舉之一曰周頌雅樂典辟雍饗射二

曰六宗社稷之樂三曰黃門鼓吹天子以宴樂群

臣四曰短簫饒歌軍樂也今考譙周傳後帝增廣

聲樂周䟽請省減樂官則亦當有太子樂也

博士漢時謂之禮官亦稱禮官大夫見史記又合璧事類引荀綽百

官表注云博士秩卑以其傳先王之訓故尊與之令服大夫冕此大夫所由名也漢表曰

秦官掌通古今秩比六百石員多至數十人續志



十四人昭烈定蜀以許慈胡潛為之

黃龍甘露二年碑列名皆止

博士臣

許慈時蜀中喪亂歷紀學業衰廢慈等鳩合典

籍沙汰眾學與孟光朱敏等典掌舊文尹宗周巨

及慈子勛亦為博士

此太常博士也若國學俱有典學校尉未有博士也續志

博士十四人本註易四施孟梁邱京氏尚書三歐陽大小夏侯氏詩三魯齊韓氏禮二大小戴氏春

秋二公羊嚴顏氏業是特許慈善鄭氏學治易尚書三禮毛詩論語孟光好公羊春秋來敏尹默善

左氏傳熟周治尚書許孟既為博士則毛詩論語當亦立于學官矣合璧事類凡國學諸官漢以來

並隸太常至隋始革

太祝令翰苑新書曰掌郊社明堂祠祀祈禱章武二

年冬十月詔丞相亮營南北郊于成都三年追尊

昭烈皇后丞相上言請太尉告宗廟布露天下具  
禮儀別奏則有太祝令明矣

高廟令一人續志六百石守廟掌案行掃除無丞常  
勛之父為之見華陽國志又蜀志章武元年四月

大赦改年立宗廟祫祭高皇帝以下

華陽國志云祫祭高皇帝

世祖光武皇帝裴松之謂昭烈雖出孝景世數悠遠不知

以何帝為元祖以立親廟于時宗廟制度必有憲

章而載記闕畧良可慨也沈約宋書曰備紹世而

起未辨繼何帝為禰亦無祖宗之號劉禪面縛北  
地王諶哭於昭烈之廟此則備廟別立也卻正釋

譏有云肅明祀以禘祭幾皇道以輔真又譙周諫  
後帝曰四時之祀武有不臨合此由高廟令觀之  
則以高皇帝為元祖明矣

右屬太常

光祿勳卿一人昭烈為漢中王以王柱為之

按季漢  
輔臣贊

註云先主為漢中王以王柱為光祿勳失其行事  
故不為傳而昭烈即位時上言有光祿勳黃權豈  
即王柱之訛歟抑黃權承代數但同時上言又有  
偏將軍黃權此即字公衡巴西閬中人後降魏者  
也華陽國志遂謂南陽建興元年李嚴加光祿勳  
黃權為光祿勳似誤

魏文帝黃初元年改郎中令為光祿勳 續志光  
祿勳卿一人今按忠武集上後帝廢長水校尉廖

立表曰陛下即位之初普增職號立隨比為將軍而諸臣曰我何宜在諸將軍中不表我為卿上當在五校臣答將軍者隨大比耳至于卿者正方亦未為卿也且宜處五校正方李嚴字也時嚴已為光祿而忠武言未為卿蓋以加官尚未即真故也嚴後由光祿轉前將軍向朗亦由光祿徙左將軍則光祿在前後左右軍下明矣

宋志曰光祿勳掌三署郎居禁中如

御史魏晉後不復居禁中又無三署郎唐六典註漢光祿勳掌宮殿門戶後漢蕪郎祀三獻魏晉已來宮殿門戶猶為焉至北齊以來後則專掌大官膳食帳幕器物有藏名同而職掌迥異矣

軍師中郎將昭烈定江南置以處諸葛亮龐統通鑑

註軍師亦古監軍號曹恭初置軍師祭酒而劉氏  
置軍師中郎將皆以一時軍事創置官名也然軍  
師祭酒止決軍謀中郎將則主兵柄矣後省 按  
光祿三署五官署左署右署也各置中郎將以司  
之軍師以下諸職不盡屬三署宋志東西南北四  
中郎將列雜號將軍云並是後漢置但職銜皆帶  
中郎將則亦未便次大將軍下也御覽謂之雜中  
郎將

掌軍中郎將昭烈定蜀置以處董和與軍師將軍亮  
並署左將軍大司馬府事

奉車中郎將昭烈定蜀置以處劉循璋長子也

軍議中郎將昭烈定蜀置以處射援

司金中郎將昭烈定蜀後置典作農戰之器以處張裔其後晉趙王循為之因此也魏以王脩為司金中郎將又以任峻為典農中郎將霍性為度支中郎將唐戶部有司金郎中

忠節中郎將漢中王置為益州部梓潼從事史見黃

露碑案碑又有中郎將十二人其上二字並闕內二人劉姓一人張姓

篤信中郎將建興間置以處丁威班在昭武武畧上

見廢李平公文

昭武中郎將建興間置以處胡濟

武畧中郎將建興間置以處杜祺樊岐

魏許褚為武衛中郎將亦

創置洪造隸續不全碑陰題名有武猛中郎將三人又有武猛都尉二武猛校尉一惜不知為何代之碑

也

副軍中郎將昭烈定蜀置以處劉封

綏南中郎將建興九年置以處張翼楊戲

翰林中郎將延熙七年置以處諸葛瞻案楊雄羽獵

賦稱翰林主人言文翰之多若林也郎官本主宿

衛而翰林主詔勅文告蓋瞻工書五強識念故特

以義名寵之使備顧問出入侍從也唐世翰林之

稱寔昉于此

按自軍師至二十一職皆因時創置雖名郎而或主兵或督州或領郡初不以更直執戟為事且事畢輒省其屬光祿與否不可知然凡帶中字者皆以居內捍外為義後漢置東西南北四中郎將皆以襟帶京師魏曹彰為北中郎將征烏桓曹植為南中郎將救曹仁蔣濟為東中郎將濟請留從之晉山濤為北中郎將督鄴城守事亦此例也

五官中郎將一人續志主五官郎漢中王時位在尚書下太中中散之上後帝世五梁居之唐六典註秦



漢有五官中郎將左右中郎將並二千石領三署  
郎侍衛建安十六年魏公子丕為五官中郎將置  
官屬以副相國位在諸侯王上此非常制也

左中郎將續志主左署郎漢舊儀云主謁者章武初  
傳僉居之建興初秦宓由州別駕杜瓌由諫議大  
夫居此

右中郎將續志主右署郎漢舊儀云主常侍侍郎建  
興初宗預由參軍延熙間李譔由中散大夫遷此  
中郎將初昭烈志討率關羽張飛後曹操征呂布歸  
操拜羽飛為中郎將及定江南昭烈以霍峻居之

中郎比六百石後帝世董允郭演長等為之續志  
三署屬並有<sub>一</sub>郎侍郎郎中凡散郎謂之外郎錢  
文子補漢兵志曰漢初郎官三等凡言郎者外郎  
也中郎者<sub>內</sub>郎也郎中者在二郎之中也武帝後  
始於中郎增議郎侍郎諸郎皆直宿衛惟議郎不  
直

郎中比<sub>三</sub>六百石六典注秦官以其為郎侍衛居中

故名華陽國志曰常勗何隨俱以州從事入為光

祿郎中主事出補邑令案通典三署郎<sub>陳祥道禮</sub>

郎<sub>避</sub>無員<sub>漢桓靈間三署見郎七百位而郡國計</sub>

一把年五十以上屬五官餘屬左右署故鄉校尉

菜耳

牧守待價於此公車特徵賢良方正敦樸有道高

節公府掾曾試博士皆充此位其下第白衣試博

士者皆拜郎中光祿歲選茂才四行各二人又上

庶吏六人為劇縣長故明帝郎官上應列宿出宰

百里蓋太微積星名為郎位凡虎賁郎位等星皆

在太微帝座之後為翊衛之象近代乃以上應列

宿為尚書郎故事非也漢官儀云尚書郎初從三

署郎選詣尚書臺試每一郎缺則試五人先試牋

奏初入臺稱郎中滿歲稱侍郎視事五年遷大縣

令亦參用孝廉其郎中侍郎之名皆因三署舊號也漢言郎者皆三署郎後漢有尚書官曹名冠首者即尚書郎也魏晉後無三署郎矣

主事續志失其名後帝世常勗何隨王化並以州從事入為光祿郎中主事勗入為尚書左選郎後察孝廉除郢令隨除安漢令化入為尚書郎除閭中令六典注漢官光祿勗有南北廬主事三署主事于諸郎中察茂材高第者為之次補尚書郎或出為令長東漢胡伯蕃范滂公沙穆並以俊才為孝廉除郎中光祿勗主事

日知錄云其職不時陳過如掾史之等

蕃為光祿勳滂執公儀詣蕃執板入閣至坐蕃亦  
不止滂懷恨投版棄官而去郭泰責蕃曰以階級  
言之滂宜有敬以類數推之至閤宜省蓋其敬止  
及門也張霸戴封戴就皆以孝廉為光祿主事其  
他府寺不聞有此名也並日知錄案蔡質漢儀三署郎  
見光祿勳執版拜見五官左右將執板不拜于三  
公諸卿無敬

南中郎建興末楊戲由大將軍東曹掾為南中郎參  
軍

宣信中郎建興中加官以虎賁中郎將董恢為之副

費禕使吳猶羅憲之宣信校尉也

從事中郎武略中郎將樊岐領之

見廢李平公文

虎賁中郎將武帝初置期門平帝更名虎賁郎置中郎將戴鵲冠續志比二千石主虎賁宿衛屬官有左右僕射建興中董允居之統宿衛親兵又來敏關統糜威等並為之皆親信之臣也無省晉世常寓直散騎云

虎賁中郎督後帝置以處趙統按續志有虎賁中郎主虎賁宿衛此加督者蓋兼督兵故加行領軍案昭烈自秭歸歸永安病篤丞相東行省疾成都單

虛漢壽太守陳元反益州督軍從事楊洪啟太守  
遣親兵使將軍陳習鄭綽討之此親兵蓋即虎賁  
羽林所掌也

羽林右部督後帝置景耀末李球居之隨諸葛瞻拒

鄧艾案續志有羽林中郎將比二千石主羽林郎

羽林監昭烈置以處統射鏑晉大夫號石父之後見  
元和姓纂鄧名世古今

姓氏書辨  
證引之

虎騎監後帝置以處糜照

虎步監後帝置以處孟琰案水經註引諸葛亮表云

臣遣虎步監孟琰据武功東作竹橋攻司馬懿姜

維傳載忠武與張裔等書曰姜伯約涼州上士也  
又曰須光教中虎步兵五六千人據此有虎步即  
有虎騎言中則知為宿衛士也續志有羽林左右  
二監又西京武騎常侍車駕游獵常縱射猛獸今  
考後帝常出游獵而照承祖父之習便於弓馬則  
屬羽林明也

奉車都尉韋昭云主乘輿不敢言主故言奉昭烈以  
法正子邈為之後有黃皓衛繼等

駙馬都尉武帝置掌御馬

通典云駙馬非正駕車皆為副馬

多宗室

及外戚與諸公子孫任之後帝以諸葛均子喬鄧



芝子良為之陳表樞曰魏曹植表駙馬奉車取為  
一號齊職儀曰凡尚公主必拜駙馬都尉魏晉以  
來因為贍準

騎都尉武帝置掌御乘輿車後帝世以諸葛瞻馬東  
柳隱等為之

殿中督後帝置景耀末張通為之晉武有殿中將軍  
殿中司馬督

光祿大夫六典註秦郎中令屬官有中大夫漢因之  
武帝更名光祿大夫秩比二千石無員黃龍甘露  
碑有光祿大夫闕其姓名延熙初以處來敏後有

譙周漢官儀曰光祿大夫不言屬光祿勳門外特  
施行馬以旌別之百官表註職掌言誥毗亮論道  
獻可替否贊揚德化允南初節頗似篤行君子及  
傳東宮猶進讜言至於位亞九列決策乞降且謂  
陛下降魏魏不裂土以封者周請身詣京都以古  
義爭之視勸進昭烈時西北黃氣數丈之說若出  
兩口術士之不足信如此豈所謂毗亮獻替者乎  
史直書不隱責之深矣

太中大夫章武元年以處宗瑋使吳報命以孫權請  
和也後尹默居之唐六典註秦秩比千石掌論議

漢因之

中散大夫與太中大夫並見黃龍甘露碑建興初以

處譙周猶侍太子延熙間李譔亦然唐六典註後漢有之六百

石無

諫議大夫昭烈世以龐統父居之建興二年亮領州

牧迎杜微杜瓊尹默費詩等並居是職初學記初

秦置諫大夫屬郎中令漢之光祿勳掌論議漢初不置

至武帝始置通典云文無常員皆名儒宿德帝置

為之光武增譙字重三十人隸光祿勳案漢書貢

禹楊雄並為諫議大夫後漢書來歙父仲哀帝時

為諫議大夫則非光武加議字也

合璧事類云後漢增諫議以范

書來仲為誤

議郎昭烈定蜀孟光等為之

黃龍甘露碑議郎先是四人孟光居第三

攻雒之日胤統中流矢卒昭烈痛惜以統父為議郎諸葛亮親為之拜此為群拜紀之例不以官位拘也至是光與許慈等並掌制度上尊號禮儀光慈所建立也續志諸郎官惟議郎不在直中

謁者秦官後漢有三十人建興初霍弋為之又呂雅

常忌等其臺主為謁者僕射

唐施敬本議謂是尚書御史屬似誤

右屬光祿勳。續志職屬光祿勳者自五官將

至羽林右監凡七署自奉車都尉至謁者以文  
屬焉今中郎將多至十五署中郎督監凡六署  
忠武所謂戎秩普增也。五官羽林皆外朝宿  
衛之人故以職屬奉車以下親與人主謀議故  
以文屬雖一職而分為二司矣

辛未七月二十九日男勲懋校字